



Tongan

TOHI FAKATOKANGA

‘Oku fengau’e’aki fakataha ‘a e Potungaue Ako ‘a e Siteiti ‘o Hauai’i pea moe Potungaue Mo’ui ke malu’i mo fakafaingamalie ‘a e mo’ui lelei ‘a hotau kakai. ‘Oku tau ‘ilo’i kotoa pe, ko e taimi ‘o e kei tupuhake ‘oku lahi ‘a e ngaahi fiema’u fakaēsino, loto hoha’a, liliu fakasosiale, pea ko ha sivi fakaēsino he ‘oku tokoni ia ki hono ta’ofi ngaahi palopalema ki he mou’i lelei.lelei.

Teuteu’i Ho Fanau Ki He Kalasi Fitu

Ko e lao ‘a e siteiti ki ngaahi ‘apiako kotoa ‘a e pule’anga (public school) ke fakahoko he fanau ‘ako ha sivi fakaēsino, pea ‘oku toe ui koe sivi mo’ui-lelei-fanau (well child visit), ke fakahoko ‘i he mahina 12 ka hoko mai pea toki kamata ‘a e kalasi fitu.

‘Oku mahu’inga ke palani kei taimi pea ‘ai ha ‘apoinimeni ki ho fanau kuo te’eki kamata ‘a e ta’u ako ki he kalasi fitu. Fakaha ki he ‘apiako kapau ‘oku fiema’u ha taimi lahi ke fakahoko ia.

Ko hai ‘oku kualafai ke fakahoko ‘a e sivi fakaēsino?

E lava pe ha toketa, neesi, pe ko ha pofesinale tauhi mo’ui lelei ‘o fakahoko ‘a e sivi mo’ui lelei.

‘Oku fiha ‘a e totongi ki he sivi fakaēsino?

‘I he taimi ‘oku alea’i ai ho ‘apoinimeni ki ho fanau, ‘eke ange ki ha sivi mo’ui-lelei-fanau (well-child visit) ke ma’u ta’etotongi ‘a e penefiti fakata’u ‘oku ‘i he malumalu ‘o e Patient Protection pea Affordable Care Act (ACA).

Ko e ha ‘oku hoko he taimi ‘o e sivi fakaēsino?

Manatu’i ke ‘omai ‘a e Lekooti Mo’ui Lelei ‘a e Fanau Ako (Foomu 14) ki he toketa ke ne fakafonu ‘i ho taimi ‘a’ahi. Faka’aonga’i ‘a e taimi ko’eni ke fai ha fehu’i ki he toketa ‘o fekau’aki mo e mo’ui lelei pea mo e founga tauhi lelei.

‘Oku ‘ave ki fe he ‘osi hono fakafonu ‘a e Lekooti Mo’ui Lelei ‘a e Fanau (Foomu 14)?

‘Ave ‘a e Foomu 14 ne fakafonu ki he ‘apiako ho fanau he taimi ‘oku lesisita ai ki he kalasi fitu.

Ko fe teu toe lava ke ma’u ai ha fakamatala?

‘O ka toe fiema’u ha ngaahi fakamatala fekau’aki mo e fiema’u sivi fakaēsino ‘a e kalasi fitu, pea paaki ha la’i tatau ‘o e Foomu 14, ‘a’ahi ki he www.hawaiipublicschools.org pea kumi ‘aki ‘a e fo’i lea koe “Physical Exam”.

Malo ki hono poupou’i mo’ui lelei ho fanau!